

北山小集

三

北山小集

北山小集卷第七

墨池

信安程 俱



古詩七

借葉內翰畫令小江模寫

十年問舍今華顛
印山滿眼囊無錢
每看圖畫輒心醉
自笑說食流飢涎
世間范李真幻士
斷取妙喜移山川
朝來問疾方丈室
但恠衡霍羅窻軒
飄風急雨暗四澤
轉看錦翠開雲煙
崔嵬磊砢凍相倚
恍然雪塞藍田關
是中大有結茅地
指點三徑依林泉
世人無乃笑癡絕
心境二妾交相纏
安知三萬師子座
同

此幻力無中邊衢山小江新悟幻落筆欲追祈與虔
願從公借此妙景已具東絹和丹鉛照中寫照供幻
觀聊用自尉銷窮年千巖萬壑納環堵更令一拂松

風絃

宗少文好山水凡所游履皆圖之室中自云每鼓絃動操欲令衆山皆嚮小江又善琴云

自仲嘉云亡未始見夢舟行夜入吳興境

有夢如平生感而賦詩四首

江子隘斯世翛然向方蓬一朝成千古寤寐不復通
夜入雪溪境胡然見幽夢高標何所似俯仰風中松
笑談如平生烟烟雙方瞳去年經行地陳迹亦已空
故應玄真老相與游無窮

諸人久不死而使武子先斯言太癡絕愛惡無乃偏
君看雅正情播在三百篇秦人哀三良百身寧可捐
相鼠有深刺嗟哉胡不遄此豈惑者歟加膝墜諸淵
乃知孫楚狂未必非公言

世以勢論士君誠不如人揚揚乘軒者志滿氣甚振
外見七尺軀中有萬斛塵鑿杳固難入鶚鸞豈相倫
炙手苟可執行路爲雷陳高棲冷如鐵骨肉不得親
誰能獨無死榮辱久乃真

皇天非無知伯道固有後百年能復幾僅比一昏晝
久知彭錢天不及殤子壽向來簞瓢生廟食至今侑

東陵雖飽死千載有餘臭梟蕃得剗腸茗折謾遺敵
試當問玄夫此理或可究

初到書局以萬七千錢得一老馬盲右目
戲作古句自嘲一首

蹄間三尋汗流赭九達雷電爭飛灑我窮那得騁追
風正擬虺虺行果下平生畏塗飽經歷夜半臨深無
馭者故應造物巧相戲却比盲人騎瞎馬李南知音
當促步廣漢騰嘲不相假執鞭良稱塞翁兒並轡聊
從杜陵夏厖然病顙豈其類老矣問途那可捨徑煩
一夫事刷秣似桂新芻不盈把向來伯厚亦安在結

駟雞棲同土苴他年東去把撩風縱爾逍遙汴東野
神霄宮知宮陳應常邀鄉人集道堂余不
果往毛彥時有詩諸公皆和見率同作次

韻一首

南枝月明烏鵲飛北風驚沙燕馬嘶倦遊乃有故鄉
念強學處士聽朝鷄馬蹄得得烏帽底與日競走東
還西安知神府在人境曉霧十里飛香猊咄嗟似與
化人遇宮殿盤鬱窮煙霏瑛房藥篋浩無極當關九
虎何由闕仙郎邀客自清旦聞若岫戶臨江湄向來
同是爛柯客石梁跨野是虹垂登晨未辨七明蓋祈

年欲採三華芝授書忽作藥珠吏雲篆豈特傳盟威
故人一笑共清景常談曲謹皆芟夷而余煮餅北窓
卧正坐世網纏綿之棗瓜麟脯不同舉但見綵筆方
交馳蕭然俯仰在環堵窮巷偏仄仍喧卑高堂脩竹
寄遐想况烹雪乳調清絲徑須暇日一尋勝眼中塵
袂空成帷

以蔣永仲畫雙松爲故人壽

青松千歲姿擢質萬仞岡霜根初茁秀氣已凌千章
去天尺五地雨露先衆芳晨光爲膏沐鬣鬣傾扶桑
故應神物護茂葉成深蒼爾來向三紀已作拏雲驤

豈唯蔽牛馬固已中棟梁上有叅天枝下有延年肪
蒼蔭被草木皆爲芝木香衆鳥不敢巢或來孤鳳凰
會當回萬牛一柱來明堂却顧冰澗底歲寒永相望

詩送趙承之祕監鼎臣安撫鄧州三首

平生竹隱翁曾次着千古揮毫劇翻瀾碑版照秦楚
十年屈僚佐留使望天府今年道山巔士論乃深許
歌詞薦清廟盛典更藻斧忽持南陽節聲動漢江浦
清班寄麟臺雄職暫符虎遙知佳政傳召杜安足數
往者南陽耕相望鹿門翁時來拜牀下雞黍相與同
安知田舍中鷄鳳友伏龍我疑兩州間地美物亦豐

故應釣遊處清泉蔭高松人英何代無儻有前賢風
弓旌恐難致羔鴈或可通

潭潭內史府侃侃東西錄當年得一士衆視驚刮目
何殊致洪造初不羨博育林侯忽東歸懷寶媚幽獨
趙侯小騰騫文采冠群玉要之進退閒了不異蘭菊
因公懷若人皎皎歎空谷

和酬梅悅之大夫澤送行古句

讀書何如事耕種脣腐頭童得飢凍半生塌翼墮江
湖仰視群飛困嘲弄閉門誦說不知悔時以聖賢資
折中飢來驅我向京華爲米折胥隨所用一官此固

初不惡浪以討論辭冗從梅公據鞍殊矍鑠滿腹精神比錢鳳新詩借我快筆端省向江南賦雲夢向來高門迹衡陋杖屨時來窺牖甕今公三徑爲誰開顧我五窮那易送會當投檄復言歸時訪祇園談不共

大夫文時游僧舍又欲奉陪
未果也十八不共法是佛經

和同舍千葉緋桃

飛花動江光風力兩相怯扁舟老參謀覓句時拄頰
連昌出墻枝晞日香汗浥深宮夾脩篁歲久森翠葉
至今丹青妙華宇張九疊誰移此繁英密蔭如栽接

都城有花陰

因依肖螺贏變幻胥蝴蝶忽如剪緋帛又似翻

錦篋躬唇注猩血細藥輕蚊睫爭春雖云晚闢麗固
當捷冰實儻可分仙梯不難躡賡詩僧怪煩我意終
未愜

同舍以筆墨更相遺有詩見邀同作

將軍白首玄池陰手持毛錐如綠沉千人獨掃杜陵
老百摅欲連東海任中山豪族一當百即墨堅壘高
臨深孫郎精騎故無足長卿偏師那可侵久知良工
須利器豈但善賈緣多金故追老兔盡三窟已倒霜
松踰十尋於菟猶存鳳閣卧黃鹿不博鵞池臨清觀
越石已成冢始信管城真盡心客卿摩頂利天下脩

竹欲汗南山林儒生意廣亦自苦但有遺迹藏來今
兩公筆陳略相抗往往鉞并張旗參鋪揚功伐借二
物寸木可使齊高岑嗟余絕學久焚弃嘿守三一朝
飛森

松鶴圖

崑崙五城十二樓洪河空注經神州西連仙掌五萬
里一柱上直清都浮琳琅琪碧乃凡草青華絳寶森
纍膠南辰真人厭嫵媚下勅保命更冥搜元精結感
浹地軸奮此倚天蒼鬣虬燭龍晞露吐珠琲青女歛
轡回春秋上有飛晨煥景之卿雲下有金精石髓之

清流盤根踈節輪困天崑崙不動聲撼倒景雨沛參
雲油晬然和氣發柯葉俯芘芝朮齊薰蕕當年箕顓
眇霍闕戶牖森翠蒼陰稠挺生初不待封植天遣異
質榮仙洲居然神蔡產千歲不但明堂來萬牛台符
兩兩直其上芳膏美蔭被九丘紫清騏驎下擇木展
翮還自青田幽豈無映林光夜供俛啄會有玉沙丹
露飲此絳怡元霜裘巢雲友鳳乃其所昂昂肯爲鷄
群謀神霄之境接華蓋永作帝瑞同天遊

晁無斁將之錄示近詩有和其兄以道說

之詩次韻以致區區兼簡以道

往登妙高臺千嶂如聚墨煌煌化人宮屹立斷鰲足
題與亦不惡嘯詠此浮玉粃糠空在前不謂公肯辱
竟乖南州望聊作信都福吹竽定誰真抱璞安忍哭
高情禦外物不計處與出端如屋間雷障以千步築
我窮居城南甕牖藩援禿華裾每來過煥語加帛粟
洋洋填箎音珍重同結綠吟毫久不濡辱贈不敢獨

所慙春蠶股持抗不周觸

余初除潤倅會召入書局無繼除潤倅改
真倅故有批糠在前聊作信都福之句

談詩如談禪練性如練墨

以道深於名
理順喜造墨

壯心悟龜

毛少去作豈蛇足平生甚元龍未信今伯玉十年得
投閑高卧謝寵辱定知貧勝富固自平爲福著書著

名山會使山鬼哭結廬近三休爲米時一出猶嫌佛
場選肯問燕臺築俗人難與言鏡鬢遺盲禿前年客
長安正覓三金粟塵中一傾蓋爽氣岷峨綠別來更
崎嶇寡陋嗟我獨塵埃篋中書有手不暇觸

復次韻酬葉翰林見寄

渭川十頃青上谷千竈墨縣河供拂石濡筆應未足
公初入承明神采映冰玉孤芳信難羣廉士故可辱
虛懷得逢蒙泛愛近籍福終然翟公題正墮楊朱哭
于今十年後猶作一麾出何當還宣溫不用求釣築
遙知西湖柳蔽芾誰敢禿應餘金石文會使天雨粟

留連借三輔夏木今再綠斯文詠公歸悵望非我獨
羈懷老無堪覽卷百憂觸

次韻寄謝公表韓公朝請

世人如鰓魚自蔽翻吐墨猩熊亦何罪不衛唇與足
要當時木鴈安問定石玉向來休休翁老去稱耐辱
迹高名自汙卒享清淨福肯爲接輿生叩木妄歌哭
韓公早聞道垢濁久已出終成九層臺不棄一簞築
長安列戟第桐影將缺禿寧辭治中輿且食祠宮粟
胷中荊棘盡華髮當更綠抗塵我何庸勇退公所獨
何如善刀藏聊放虛舟觸